



Universitätsbibliothek Paderborn

**Annvs Diervm Illvstrivm Societatis Iesv. siue in Anni dies
digestæ Mortes Illvstres Eorum qui ex eadem Soc. Iesu, in
odium fidei, pietatis, &c. ... confecti sunt**

Nádasi, János

Romæ, 1657

P. Antonius Iscida.

urn:nbn:de:hbz:466:1-44029

SEPTEMBER.

Iapon.

Nangasa-
chi.3. Sept.
1632.

atat. 63.

Sac 43.

Fides.

Mortif.

P. Antonius Iscida. Pintus.

PHilosophiâ, & morali
Theologiâ in Societate
eruditus, eâ quâ pollebat di-
cendi facultate perdiligen-
ter ad Iaponiæ suæ salutem
vtebatur, magno suo peri-
culo, sed non minore ani-
marum fructu. Anno 1629.
tentus, religiosū sacerdotem
se esse confessim confessus
est. Spes illi certa vitæ obla-
ta, si Christo nuncium re-
mitteret: sed ille vitæ priùs
quàm Christo nuncium re-
mittere se paratum esse aie-
bat. Ferrum eius collo, pe-
dibusque circumdatum, &
indicta disputatio; in qua vi-
ctor, cum tribus ex inclita
S. Augustini familia Patri-
bus in custodiam detrusus,

ibi

ibi orandi, corpusque afflanti exemplis alius alium accendebat. Is interea qui eum prodiderat, miserâ morte interiit. Sic illi annus non vñus ductus inter carceris molestias, cùm semper adfuerint qui cum identidem ad sectas Iaponicas inuitarent. At ille incassum aiebat secū agi: Christi se esse, ac fore: agerent, cruciarent, occiderent. Ad minas respondebat: se ultra minas etiam supplicia expectare; ac velle se cum illis certare, vtræ pars priùs, illine poenas irrogando, an ipse irrogatas ferendo deficeret. Alios ex alijs cruciatus in hebdomadas, menses, annos accerferent, & mortem lentam extenderent: hoc se in causa Christi cupere, hoc ex-

Fides.

*Magnus
animus.*

pe-

pectare, ut sentiat se mori.
Nec fortius dixit quam fecit. Anno 1631.4. Decembris
aquis sulphureis variè cruciatus, suspendebatur, iun-
cturis vndequaque vi dirâ extensis, & scapulis aquâ
bulliente perfusis. Quo rerum articulo cùm illum sui
ciues iterum ad defectionem lacefferent, atque ut Imper-
atoriæ voluntati obedien-
ter annueret, seque verè Ia-
ponem esse ostenderet, inui-
tarent; his nihil motus, &
(quod omnes stupuere) ab
aqua nihil adustus est. Ita
per dies 30. nouis & semper
varijs læuitiæ artibus tortus,
iterum carceri redditus, de-
mum hoc die lento igne
combustus est, victima glo-
riosâ.

Est qui hoc die, anno 1645.
col-

collocet P. Petrum Romerum,
de quo nos 22 Martij. Is post
egregios annorū 34. labores
eo quē dixi modo cæsus est,
quia à vafro homine pro cō-
cione coram populo accusa-
tus, quòd nouam fidem pro-
mulgaret, viros à concubinis
abduceret, morum licentiam
ad Christi leges adstringe-
ret. Hæc in eum cùm dice-
rentur; Petro horas canonici-
cas recitanti, & eorum in-
conscio, Breuiarium san-
guine immaduit; cuius ille
causam reperire non po-
tuit. Cæsus est cùm ad
aram iret sacris operatu-
rus. Guiraquerius eius
proditor fassus est (vt iurati
testes affirmant) necem il-
li odio nouæ fidei, & amore
Iaponicæ superstitionis illa-
tam.

P.Tho-